

DISCOVERS

VERITABLE DV MARTYRE DE DEUX PREBSTRES & deux Laycz , aduenu l'an mil cinq cens quatre vingts neuf , à Oxfort Vniuersité d'Angleterre. Qui pourra seruir aux Catholicques de la France par l'exéple d'autrui d'en auoir compassion.

Tradusct d'Italien en François , selon l'exemplaire imprimé à Rome 1590. chez Paul Diani.



A PARIS,

Chez Guillaume Chaudiere , rue S. Iacques,
à l'enseigne du Temps , & de l'Homme
sauuage.

M. D. XC.

AVEC' PERMISSION.

208

REVUE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE

DE LA

LIBRAIRIE




L'IMPRIMEUR

A V LECTEUR.

M'ESTANT tombé entre les mains ceste presente histoire d'aucuns Catholiques martyrisez en Angleterre pour la deffense de la foy Catholique, i'ay iugé qu'il n'estoit point hors de saison, apres la publication du Iubilé concedé de sa Sainteté pour les necessitez de la France, de la mettre en lumiere: à ce que les Catholiques, après auoir par le moyen des Sainctz Sacrements purgé leur conscience de tout peché, esmeuz à cōpassion par la lecture des mauuais traitemens qui se font contre leurs Freres, puissent plus seurement & feruemment prier la Diuine bonté, non seulement pour

*l'ayde & reduction de l'Angleterre, mais
aussi pour la preservation de la France.
Outreplus affin qu'esueillez & faictz sages
par l'exemple d'autruy, & par tant de mal-
heurs & dommages causez en l'un & en
l'autre Royaulme par le mal contagieux de
l'heresie, s'efforcent d'observer diligemment
la sainte loy & volonte de Dieu nostre
Seigneur, euitans tout peche, comme la fon-
teine & origine tant de l'heresie, comme de
toute autre perte corporelle & spirituelle.
Ainsi avec la bonne vie & conuersation
digne du nom de Chrestien, inuiteront les
hereticques de retourner à l'union de la
sainte Eglise, ce que ie prie Dieu nous
vouloir accorder.*



BRIEF DISCOVRS D'VN
NOTABLE MARTYRE DE
*deux Prebſtres & de deux Laicz, ad-
uenu l'an 1589. à Oxfort Vniuerſité
d'Angleterre.*

Le dixhuitiesme du moys de May
dernierement paſſé fut pris Meſſire
George Nicolas Prebſtre, lequel de-
puis ſon retour de Rheims en An-
gleterre, ſe ſeroit tenu en la ville
d'Oxfort, & ſes traualx n'auroient
eſté employez à autre choſe qu'à l'ayde des Ames.
Ensemble fuſt pris avec luy M. Iaxley nourry au
meſme Seminaire de Rheims, & deux Laics en vne
hoſtellerie d'Oxfort, qui a pour enſeigne la rouë
ſaincte Catherine. La façon fut telle qui ſ'enſuir.
— Auant eſté donné aduertiffement à Londres,
comme aucuns Prebſtres Catholiques ſouloient
practiquer en l'Vniuerſité d'Oxfort, & outreplus y
abborder ordinairement, le Preuoſt des Mareſchaulx
avec ſa compagnie d'Archers fut expreſſément de-
peſché, lequel arriué à Oxfort (prenant avec ſoy le
Conſtable du lieu, & l'Eſpion qui les guydoit)
ſ'achemina premierement en la maiſon d'un cito-
yen nommé Monſieur Ronchey, où n'eſtoient pas

lesdicts Catholiques, & partant apres diligente recherche, ne les trouuant point, tous se departirent. Depuis, enuiron la minuiet, s'en allerent à ladicte hostellerie Sainte Catherine, où ils scauoient estre le refuge de tous les Catholiques qui arriuoient à Oxfort, & heurtans à la porte firent commandement d'ouuir à la Iustice, à quoy ceux de dedans ne pouuant resister, Onfrey Griffin seruiteur de leans vint ouuir, lequel aussi tost apprehendé fut mené tout droict à sa chambre propre, d'autant que selon les informations qu'ils auoient ils pourroient trouuer quelques Catholiques cachez ausquels depuis douze ou quatorze ans ledict seruiteur s'estoit efforcé de seruir en tout ce qu'il pouuoit : mais n'y trouuerent qu'un ieune Escollier d'Oxfort, lequel estant d'iceux examiné & lasché, s'en allerent à la chambre de la Dame de l'hostellerie, laquelle estoit vne bonne vefue, aagée de plus de soixante ans, deuote, vertueuse, honneste, & amye de tous les Catholiques, & entrerent avec impetuosité dans sa chambre. Icelle à ce bruiet s'estant esueillée, & croyant de prime face que fussent larrons, les pria de se retirer vn peu, iusques à ce qu'elle fust habillée, qu'ils feissent ce qu'il leur sembleroit bon. S'estants retirez, quelcun de la maison aduisa les deux Prebstrs & le Seigneur Bilson, que la Iustice estoit en la maison, & pource qu'ils messent ordre à leurs affaires. Entendant cela se resolurent de ne faire autre chose, mais attendre la venue du Preuost, lequel entré en leur chambre commença à les examiner : Iceux respondirent à tout sans aucune crainte: de maniere que le Preuost sa-

ris faict de leurs responses, & ne trouuant aucun indice de ce qu'il cherchoit, s'en alloit, avec opinion qu'ils estoient gentilshommes du pays là logez, si l'Espion ne luy eust faict signe & ne l'eust aduise qu'il eust à regarder plus diligemment parmy leurs hardres, & que sans faulte aucune il trouueroit de quoy. Commenceant donc à chercher parmy leurs hardres, trouua certains parements d'Autel pour dire la Messe, lesquels si tost qu'il eut apperceu, feist prendre les susdicts trois Catholicques, & mener avec le seruiteur Onfrey en prison. Le matin furent presentez au Commissaire & autres Magistrats & Docteurs de l'Vniuersité, cōme au Docteur Lilé, & au Docteur Vilese Principal du College S. Iehan, homme assez corpulent & malsif, mais rien plus: semblablement furent representez par deuant d'autres Ministres, par lesquels interrogez quel estoit leur estat & condition, Incontinent respondit Messire George Nicolas; Je suis Prebstre de la vraye, ancienne, Catholique & Apostolique Eglise. L'autre Prebstre se disoit estre Gentilhomme Catholique (comme veritablement il estoit) & de mesme façon respondoit Monsieur Bilson Layc. Alors les Magistrats commencerent à les interroger de diverses actions, lesquelles entant que Catholicques ils pouuoient auoir exercees dans le Royaulme, contre les ordonnances de la Royne. Ils confesserent librement qu'ils ne s'estoient employez à autre chose qu'à l'ayde des Ames, pour les ramener au giron de l'Eglise, combien qu'ils scauoient fort bien qu'en Anglaterre c'estoit vn crime capital. Depuis ayant quelque coniecture que deux des qua-

tre estoient Prebſtres, iceux toutesfois furent menez en vne plus eſtroicte priſon que les autres appelée Bocardo : Les deux Layes, ſçauoir Monſieur Bilſon & le ſeruiteur Onfrey, eurent le Chasteau pour priſon. Ce pendant que les deux Prebſtres eſtoient à Bocardo avec les fers aux pieds, vint à eux vn Miniſtre pour diſputer avec Meſſire George Nicolas, lequel reſpondit ſi pertinemment à ſes vaines obiections, qu'il fuſt contrainct pour ſon honneur de ſe retirer. Le lendemain furent menez tous quatre avec gros fers aux pieds, deuant le Vicechancelier au College nommé l'Egliſe de Chriſt : par lequel interrogez ſur les meſmes choſes qu'en la premiere interrogation, reſpondirent auſſi comme au parauant. Apres cela furent mandez à Londres pour eſtre examinez par le Conſeil d'Eſtat, autrement appelé le Conſeil priué. Les deux Prebſtres auoient les jambes liees ſoubs le ventre de leurs cheualx, & les mains derriere le dos : le Gentilhomme Bilſon eſtoit ſeulement lié par les mains. Or tous eſtants preſts de monter, il aduint que le cheual du ſeruiteur qui auoit les mains liees derriere le dos, eſtoit tout eſcorché, à ceſte occaſion ſe ſentant foulé de la ſelle, commença à regimber & ſ'effaroucher de telle ſorte, qu'il jetta le pauvre Onfrey par terre, lequel tombant la teſte la premiere, ſe feiſt yn fort grand mal. Les heretiques qui là ſe trouuerent ſe mocquoient de luy, & par riſe hurloient, Tenez le, tenez-le qu'il ne ſ'enfuye.

Eſtant toutesfois depuis remonté, ils pourſuivirent tous enſemble leur voyage, enuironné de pluſieurs Archers à cheual, qui auoient ou l'arc, ou l'arquebuze.

quebuze. Sur le chemin plusieurs sortioient des maisons & villages circonuoisins pour veoir si ces Prebstres estoient monstres, ainsi qu'ordinairement ils sont descripts par les Ministres, & comme tels les nommoient pour lors ces satellites qui les conduysioient. Mais vn chacun voyant leur modestie, patience & constance, disoit; Ce ne sont point là des monstres, mais beaux personnages, patiens, & comme il semble, vertueux, lesquels ne deburoient estre si fierement & si rudement traitez. A leur departement d'Oxford vn certain estudiant nommé Ellefius, Maistre és Artz & Bacchelier gradué au College de la Magdeleine esmeu de leur constance & force exemplaire, se meist à les suyure, cheminât de pied, & suiuant le trot des cheuaults, pour leur faire compagnie iusques à Londres, ville distante d'Oxford d'une iournee & demye, tant estoit grand l'amour qu'il leur portoit, & le plaisir qu'il prenoit d'estre avec eux. Estants arriuez à Londres les Archers & autres tels meschants garniments, craignants que ce Bacchelier ne diuulguaist parmy le peuple la cruaulté de laquelle ils auoient vſé par le chemin enuers les susdicts Catholiques, d'où s'en ensuyuiſt vne cōpasion sur les seruiteurs de Dieu, donnerent à entendre qu'il estoit fol, & pour tel le feirent mener à Berlhem, qui est l'hospital des fols: auquel lieu luy faisoient faire diette, & luy donnans le foët deux fois le iour, selon la façon de proceder avec tels insensez, le traicterent en fol, estant neantmoins plus sage qu'aucun d'eux, comme resmoigner ceux qui l'ont veu & luy ont parlé depuis qu'il a esté reserré en ce lieu auquel il est encore de

present. Mais pour retourner à nos prisonniers, arriuez à Londres ils furent presentez au Secretaire du Conseil priué, nommé Vvallinganth, homme fameux & renommé pour sa malice, & cruauté barbaresque. Iceluy interrogeant Messire George Nicolas quel il estoit, & luy respondant; le suis Prebstre fil a pleu à Dieu, il adiousta, donctu es vn traistre: à quoy Messire George Nicolas replicqua; Je n'ay iamais entendu ny leu qu'estre Prebstre, principalement entre les Chrestiens, fust estre traistre; mais vne chose scay-ie bien, que quand nostre glorieux Apostre Sainct Augustin planta la foy en ce nostre Royaulme, les Prebstres n'estoient point ny reputez ny appelez tels. Pour lors le Secretaire Vvallinganth dist, tu es traistre non seulement pour ce que tu es Prebstre, mais pource que tu fais souleuer & rebeller la populace, enseignant vne loy contraire aux Ordonnances de sa Maiesté: Iceluy respōdit, qu'enseigner la loy de Dieu ce n'est point faire soulsleuer le peuple, ou faire cōtre la Roync. De là conduicts deuant le Conseil priué responderent à la mesme façon à toutes les demandes qui leur furent faiçtes. L'autre Prebstre nommé M. Iaxley interrogé quel il estoit, respondit qu'il estoit Gentilhomme Catholique, ce que respondit aussi l'autre Gentilhomme Layc, & autre responce ne peust on tirer d'eux. Cela ainsi passé le Gentilhomme Bilson avec le seruiteur Onfrey feust reserré en prison: les deux Prebstres furent menez au lieu où lon a de coustume de donner la gehenne aux criminels appellé Bridaual, & là furent pendus par les mains l'espace de quinze heures, & durant qu'ils

estoyent en ce supplice & tourment, les Officiers de la Iustice menerent là d'autres espions, par ce qu'ils recongnoissoient de veuë les patients, & par ce moyen la Iustice fust plus asseuree que tous deux estoient Prebsters.

Estants descendus de ce tourment fut enuoyé vers eux vn meschant homme, lequel avec vn beau semblant de vouloir estre instruit en la foy, & se faire Catholique, taschoit de leur tirer les vers du nez, & de leur faire dire quelque autre chose que la Iustice eust bien voulu scauoir, comme qui estoient les Catholiques auxquels il pourroit auoir recours pour euitter la persecution en semblable accident. Le bon Messire George Nicolas l'instruisit en ce qui est de la foy, sans luy faire mention d'aucune autre chose. Cest escornifleur s'estant retiré avec sa feintise & rapport qu'il feist à la Iustice, fust cause que Messire George fut deuallé au fin fonds d'une cour, lieu obscur & plein de bestes venimeuses. Depuis estant de rechef interrogé on ne peust tirer de luy autre chose sinon ce que dessus, monstrant au reste telle perseuerance & patience, que les mesmes aduersaires en estoient tous estonnez. Finablement apres que tous les quatre eurent quelque temps tenu prison à Londres, on resolut de les renuoyer à Oxfort pour là estre sententiez à mort comme traistres, en laquelle reputation sont en Angleterre les Prebsters & bons Catholiques. Vn des principaux Cheualiers du priué Conseil appellé François Kuolz fust député pour tenir la main à ce qu'ils fussent condamnés & executez, lequel arriué à Oxfort deuant toute autre besongne, feist emprisonner la bonno

uefue & Dame de l'hostellerie Sainte Catherine, les biens de laquelle peu de iours apres furent confisquez, & elle condamnée à tenir prison perpetuelle.

De là en apres, les quatre Catholiques furent ensemble representez deuant le Iuge, avec autres qui estoient criminels, pour ouyr leur sentence de mort.

Le principal d'entre les Iuges leur demanda s'ils vouloient estre iugez selon les loix du pays, à quoy Meflire George Nicolas respondit qu'ils vouloient estre iugez selon les loix de Dieu & leur conscience. Lors adiouta le Iuge, Si vous ne voulez estre iugez selon les loix du pays, il vous fault necessairement subir la mort qu'on fait endurer à ceux qui refusent tel iugement, lesquels on fait mourir comme vous pouuez sçauoir, entre deux tables, sur lesquelles sont attachees deux grosses pierres aiguës, applicquant l'une sous les reins, l'autre sur le cœur, & pressant tout le corps comme en vn pressoir. Le bon Meflire George voyant que ces lours rauissants ne desiroient autre chose que d'espandre leur sang avec les plus horribles tourmens qu'ils pouuoient inuenter, luy respondit qu'ils procedassent en leur endroict selon leurs loix, & qu'au iugement du Iuge eternal tous seroient traictez selon leurs merites ou demerites. Et ainsi furent esleuz selon la coustume du pays douze Iuges (mais qui estoient meschants heretiques puritains, lesquels sans plus long procez les condamnerent incontinent à la mort) l'aduis desquels ayant pris le Iuge principal, condamna premiere-

ment les deux Prebſtres, comme criminels de leze Maieſté, à eſtre trainez à la queue d'un cheual, penduz, & depuis eſcartelez : Les deux autres furent ſeulement condamnez à eſtre pendus, comme fauteurs des deux premiers.

La ſentence ouyë, ces glorieux Martyrs monſtroient vne ſinguliere allegreſſe, ſe regardants l'un l'autre d'un viſage riant, & diſants qu'ils remercioient Dieu de les auoir reputez dignes non ſeulement d'endurer opprobres & vilainies pour ſon nom, mais encore de les auoir amenez à ce point, qu'ils debuoiſent eſpandre leur ſang pour eſtre plus ſemblables à leur Sauueur & Redempteur Jeſus Chriſt. Peu de iours apres auoir eſté remenez en priſon, ils furent conduicts au lieu du Martyre, les deux Prebſtres trainez à la queue des cheualx, & les deux autres à pied; là où eſtâs paruenus ſe monſtrēt ſi hardis & ioyeux, qu'en leur face reluyſoit la vertu du S. Eſprit qui les gratifioit d'une grace ſi ſpecialle, comme eſt la couronne du martyr.

Le premier qui offrit ſon corps en ſacrifice à la diuine Maieſté fuſt Meſſire George Nicolas, lequel apres auoir faiſt d'une profonde humilité oraiſon à Dieu tout puiſſant, voulut faire quelque petite remonſtrance au peuple, mais ne luy fut permis, ains ſeulement eut le temps de pouuoir faire proteſtation de ſa foy : en laquelle il feiſt entendre à tout le peuple, qu'il n'eſtoit ſentētié à mort pour autre cauſe, ſinon pource qu'il eſtoit Prebſtre, & faiſoit profeſſion d'eſtre enfant de la ſaincte Eglise Catholique: & ainſi faiſant le ſigne de la Croix ſur ſoy, & faiſant le meſme ſur le premier eſche-

lon de l'eschelle & le baissant, commença à monter, & en tous les eschelons il feist le semblable, & estant ietté rendit son ame à Dieu.

Le second fut l'autre Prebstre nommé Iaxley, lequel pour sa noblesse, ieunesse, & beauté de visage, esmouuoit plusieurs à compassion. Il suyuit d'une face ioyeuse & asseuree l'exemple de son compagnon & maistre, qui l'auoit tousiours precedé en toutes autres choses. Estant monté à l'eschelon duquel il debuoit estre ietté, il embrassa d'une grande affection son compagnon ja mort, & le pria de l'ayder par ses oraisons en ce dernier combat, mais ce pendant qu'il faisoit sa protestation de foy, il fut interrompu & precipité de l'eschelle.

Le troisieme fust Monsieur Bilson, lequel encore suyuit en tout & par tout l'exemple des deux precedés glorieux martyrs, & les embrassant tous deux, se recommanda à leurs oraisons, & comme le second, fut ietté à bas, ce pendant qu'il faisoit protestation de sa foy.

Le quatrieme & dernier fut Onfrey le fidelle & constant seruiteur de la vefue, lequel d'hostelier des Martyrs, fut de Dieu appellé à la couronne du martyre.

Iceluy pareillement monstroit telle allegresse & vigueur de l'esprit Interieur, qu'il ressembloit plustost à vn homme inuité à des nopces ou à quelque festin, qu'à vn homme condamné à mort. Ce glorieux Martyr imitant en toutes choses ses compagnons, estant sur le dernier eschelon parla à toute l'assemblée en ceste façon : Messieurs qui estes icy

présents; le vous prie de me donner tesmoignage en ce monde, & au iour du iugement dernier, que ie meurs pour estre Catholique & fidelle Chrestien de la sainte Eglise: Ce qu'entendant vn lourdault de Ministre luy' dist: pauvre homme; comment dis tu que tu meurs Catholique, puis que ton ignorance ne te permet pas de sçauoir que signifie estre Catholique? A quoy il respōdit, combien que ie ne te puisse explicquer par paroles ce que signifie ce nom de Catholique, toutesfois Dieu congnoist mon cœur, & sçait que ie croy tout ce que la sainte Eglise Romaine croit, & ce que ie ne te puis exprimer de bouche, ie suis prest & appareillé de le donner à entendre & testifier au prix de mon sang: & ainsi le bon Onfrey ietté de l'eschelle s'enuolla au Ciel.

Cela ainsi passé lon couppa les cordes avec lesquelles estoient pendus les deux Prebſtres qui furent mis en quartiers, & premierement les quartiers avec les testes, furent iettez dans vne chaudiere preparee à cest effect: depuis en estofferent la muraille du vieil Chasteau, par lequel lieu passants les Ministres puritains, chiquettoient avec des couteaux la face des glorieux Martyrs. Deux iours apres furent lesdicts quartiers & testes ostez de là, & attachez aux portes de la ville, où aduint vne chose espouuentable, remarquee tant des Catholiques cōme des hereticques, c'est, qu'estants les quartiers de telle maniere pēdus que les mains pendoient en terre, le bras droict de Messire George Nicolas, peu apres auoir esté attaché, soit que cela se feist par quelque cause naturelle, ou mira-

culeuse, ou par quelque autre moyen, se leua de soy mesme en l'air contre la ville, à la guise & façon d'un Predicateur en chaire, quand il admonnest ses auditeurs, ou les menace de la vengeance diuine. Dieu vueille que ce signe soit à sa gloire, & au salut de ce peuple.

Icy ie veux raconter vn œuvre memorable d'entre ceux que Dieu s'est daigné faire par le ministère de Messire George Nicolas, pour le salut des Ames. Aux enuirs d'Oxford il y auoit depuis deux ans vn insigne volleur nommé Harcor, lequel apres plusieurs vols & brigandages, en la fleur de son aage quand moins il y pensoit, fut pris & emprisonné à Oxford, où ayant esté conuaincu de plusieurs forfaits, lesquels il confessa, fut cōdamné à la mort. Or depuis la sentence donnée fut mis en vne prison plus large où estoient plusieurs autres, iusques à ce que lon passeroit à l'exécution de la sentence. Dieu voulut qu'entre les prisonniers il y auoit quelques Catholicques, lesquels scachants que ce pauvre ieune homme dans peu de iours seroit executé pour ses enormitez, desirans puis qu'il perdoit le corps qu'il sauast l'ame, commencerent à traicter avec luy de son salut. Le ieune homme ne feist point du difficile à consentir à la foy Catholique, mais d'autre part iettant les yeux sur la multitude & enormité de ses pechez, desesperoit du pardon. Neantmoins fut encouragé par les bons propos des Catholicques, à ce qu'il ne doubta de la misericorde de Dieu, pourueu que de sa part il ne manqua à son debuoir, mais qu'il eust la plus grāde contrition qu'il pour-

roit, &

roit, & qu'il feist penitēce le reste du peu de temps qu'il auoit à viure, & se preparast finablement par vne bonne & entiere confession. Iceluy embrassant de tout son cœur ce conseil, s'adonna avec vne tresgrande douleur de ses pechez à la plus aspre penitence qu'il peust, passant les nuits à demander pardon à Dieu pour ses fautes, & outreplus s'estant préparé par vn mesme moyen à la confession commença en grande instance de demander aux Catholiques qu'ils luy procurassent vn Prebstre pour se reconcilier à Dieu & à l'Eglise. Les Catholiques tout incontinent firent entendre le tout à Messire George Nicolas (qui estoit le commun refuge de tous les Catholiques du pays) lequel entendant l'affaire, respondit, que pour le profit du penitent, & pour sa plus grande disposition il vouloit differer pour vn peu sa cōfession, & qu'en attendant ils luy donnassent bonne esperance, & fussent attentifs à l'instruire & l'entretenir en contrition, & que quant à luy il ne feroit faulte de le confesser quand il en seroit temps. Et lon a véu que ce temporisement estoit vne inspiration du saint Esprit: par ce que le ieune homme, avec le desir de la confession, considerant la grauité & pesanteur des pechez qu'il sentoit sur sa conscience, feist tel progres & aduancement en vertu, que non seulement il ne craignoit la mort qui luy estoit toute certaine, mais d'vn desir de meriter, la souhaitoit plus rigoureuse pour l'offrir à Dieu en recompense & satisfaction telle quelle de ses pechez. Mais avec tout cela ne cessoit iamais d'importuner ses maistres, à ce qu'il luy fust possible de se con-

feſſer, leſquels l'entretenants de bons diſcours, peſtudioient de l'inſtruire tousiours de plus en plus.

Finablement le ſoir de deuant le iour auquel il debuoit eſtre iuſticié, la ſentence luy eſtant denoncée, avec prieres & chaudes larmes, ſe iettant aux pieds de ſes maiſtres, diſoit : Helas ie meurs ſans confeſſion ! par la paſſion de Ieſus Chriſt, n'abandonnez point ceſte pauvre ame. Iceux l'aſſeurans qu'il ne mourroit ſans confeſſion, par ce qu'ils ſçauoient fort bien que le bon & charitable Meſſire George Nicolas ne luy manqueroit au beſoyn, l'exhorterent de ſe recommander à Dieu plus qu'iamais, & ainſi le ieune homme paſſa toute celle nuit en grande contrition & larmes. La matinee ſuyuante eſtant la ville abreueue que ce iour qu'on feroit iuſtice, vne grande multitude d'Eſcoliers de l'Vniuerſité & d'autres ſ'aſſembla à l'entour de la priſon. Peu d'heures auant que le bon Prebſtre Meſſire George Nicolas ſçeust qu'on debuoit executer ce fameux brigand, penſant à par ſoy que c'eſtoit le temps d'vnir ceſte ame eſtroitement à Ieſus Chriſt, ſe coula parmy la preſſe, ne ſtimant en rien ſon danger, mais bien celui du priſonnier. Dieu voulut qu'il ne fuſt cogneu d'aucun, mais qu'il fuſt admis dans la chambre de la priſon, comme on a couſtume d'en admettre pluſieurs autres pour traicter avec leurs amis, ou pour veoir celui qui doit eſtre executé. Venu qu'il fut pres de la chambre où eſtoit le ieune homme, vn Catholique, lequel expreſ ſe tenoit à la porte pour veoir ſi le Prebſtre viendroit, l'ayant veu feiſt ſigne au ieune homme qu'il ſ'accoraſt de luy : & ainſi le

Prestre le prenant avec soy, le tira à part dans vn
 iardin secret, qui est dans l'enclofture de la prison,
 & fous vn arbrisseau le confessa & l'instruisit dili-
 gemment de tout ce qu'il debuoir faire, & eurent
 du temps suffisamment pour faire leurs besongnes,
 l'autant que par vne speciale providence de Dieu
 la iustice fut remise apres le disner. Ce glorieux
 Champion Meflire George Nicolas ayant fait
 tout ce qui estoit de son deuoir, se retira d'un pas
 asseuré d'entre toute ceste multitude, sans estre au-
 cunement recongneu. L'heure de l'execution venue
 aucuns Ministres hereticques, tant dedans la prison
 comme sur le chemin du supplice, voulurent exhör-
 rer le patient à se disposer à la mort, selon que l'en-
 seignent Luther & Calvin, mais tousiours il les re-
 ietta d'aupres de soy, leur disant qu'ils ne le mole-
 staient point, & qu'ils auoient esté preuenus d'un
 autre, & que quand au reste il scauoit fort bien ce
 qu'il luy conuenoit faire. Au lieu du supplice vo-
 yant le gibbet, fut du commencement tout estonné
 & grandement troublé, mais se ressouenant de
 son bon propos, s'encouragea tellement soy-mes-
 me, que de là en auant il monstra vne allegresse ex-
 traordinaire. Estant au pied de la potée à genoulx
 fist le signe de la croix au mieux qu'il peust avec
 ses mains liees, & à haulte voix recita le Pseaume,
Miserere mei Deus, en Latin, qu'il auoit appris à la
 prison, chose qui faisoit enrager les heretiques, puis
 que faire le signe de la Croix ne leur est pas moins

mencea à l'admonester qu'il laissast celà, & qu'il
 pensast à sauuer son ame, luy donnant des ensei-
 gnemens à sa mode. Le bon ieune homme le chas-
 sant loing de soy, & le priant de ne le molester en
 ce dernier pas, en fin surmonta son importunité, &
 poursuyuit ses deuotions. Se leuant de genoulx, a-
 uant que commencer à monter à l'eschelle, feist de
 rechef le signe de la Croix, & ayant ainsi signé le
 premier eschelon, le baïsa, & le mesme feist il d'es-
 chelon en eschelon : ayant esté comme il est vray-
 semblable, enseigné par le bon Messire George
 Nicolas, lequel en son martyre faisoit le mesme,
 ainsi qu'auons dict. Sur le dernier eschelon estant
 tourné vers le peuple, dist : Messieurs, Je reco-
 gnois & confesse que ie merite vn supplice plus ti-
 goureux pour mes pechez, mais ie remercie la bon-
 té diuine, qu'auât que mourir ie congnois la vraye
 lumiere de la sainte foy : & partant en presen-
 ce de vous tous, le proteste que ie meurs en l'ancien-
 ne foy de la vraye sainte Eglise Catholique &
 Romaine. Tous bien esmerueillez d'une telle pro-
 fession, vn Ministre importun voulut disputer cō-
 tre luy, & luy monstrier que sa creance estoit faul-
 se : mais il luy respondit qu'il ne print point tant
 de peine pour neant, pource qu'il estoit bien infor-
 mé & asseuré de tout ce qu'il debuoit croire, & d'a-
 uantage qu'il estoit préparé pour ceste sienne foy,
 mettre vne autre vie, si vne autre luy restoit. Et
 ainsi precipité & ietté de l'eschelle, mourant com-
 me vn autre bon larron desroba le Paradis.

Pour tels & semblables deportemens de ce bon
 Larron, & principalement à cause de ceste profes-

lion de foy, se gliffa vne opinion entre la populace, qu'iceluy n'auoit point esté iusticié pour ses larcins, mais seulement pour la foy, Dieu voulant par ce moyen honorer la penitence de ce bon larron, & outre ce plusieurs prenoient les cordaux dont il auoit esté lié & pendu, & des morceaux de ses vestemens par deuotion, en l'honneur d'un si bon penitent.

Pour faire fin à la presente histoire, il conuient noter que par le passé les hereticques craignants, qu'estant Oxfort la principale Academie & Vniuersité d'Angleterre, où abborde vn grand nombre de ieunes gens, ce ne fust vne oëcasion pour esmouvoir plusieurs à embrasser la vraye religion, si les Catholicques estoient là mesme examinez & executez à mort, auoient iusques alors diligemment pourueu de n'executer personne audict lieu: mais s'apperceuants que nonobstant tout cela beaucoup se faisoient Catholicques, prindrent resolution de donner terreur, & de faire iusticier les quatre susmentionnez. Mais leur mort a tellement esmeu toute la cité & pays d'alentour, qu'on espere que pour vn qui se conuertissoit au parauant, maintenant s'en conuertiront dix. Dieu vueille qu'ainsi soit.

F I N.

C iij

N
certi
lex
glois
quel
cher
conf
à R
me.

L.

NO V S soubz-signez Docteurs en
Theologie de la Faculté de Paris,
certifions auoir veu un petit Discours de
l'exécution faicte à Oxfort de quatre An-
glois, deux Prebſtres & deux Laycz, au-
quel n'auons rien trouué qui peust empeſ-
cher l'impreſſion d'iceluy: & de plus l'ayant
conferé avec l'exemplaire Italien imprimé
à Rome, auons trouué conforme l'un à l'au-
tre. Faict ce 7. Mars 1590.

L. DECREIL. N. ROGVENANT.

1. The first part of the book is devoted to a general
introduction to the subject of the history of the
people of the North American continent, and to a
description of the various tribes and nations which
inhabited the continent at the time of the discovery
of it by the Europeans. The second part of the book
is devoted to a description of the various tribes and
nations which inhabited the continent at the time of
the discovery of it by the Europeans. The third part
of the book is devoted to a description of the various
tribes and nations which inhabited the continent at
the time of the discovery of it by the Europeans.

THE HISTORY OF THE NORTH AMERICAN CONTINENT